

諸儒歷代廟祀志

廟祀孔子並祀七十二子之徒始東漢其特以顏子配則在魏芳正始之七年至唐時進曾參宋時進孟軻復進子思是爲四配東西向坐堂上明初循開元之舊諸從祀者爵以公侯伯四配皆稱公嘉靖間釐正祀典罷諸封爵易堯國公曰復聖顏子邾國公曰宗聖曾子沂國公曰述聖子思鄒國公曰亞聖孟子於七十二人中進其從陳蔡者十人曰十哲當首顏淵以其特配因進顓孫師以足之亦稱公既皆云某子列坐堂上位稍後餘諸賢初皆按史記

連江縣志

卷之十二

廟祀

一

次其像於壁至宋高宗時斥史記所載公良孺公夏首公肩定顏祖鄒單句井疆罕父黑申黨原亢顏何公西輿如公西蒧十二人而採文翁學堂圖中之申棖陳亢林放琴牢申棠續以足七十二人之數明列於東西廡一從史記之文而特斥顏何秦冉二人以家語所載琴牢陳亢二人補之始皆稱伯後亦以子稱此皆所謂先賢也先儒之祀如左邱明公羊高穀梁赤荀况楊雄伏勝戴聖劉向孔安國杜子春高堂生毛萇鄭衆賈逵馬融鄭玄何休盧植王肅杜預王弼范甯凡二十二人以貞觀四年詔配宋儒多

以當代從祀如周敦頤程顥程頤張載朱熹張拭呂祖謙
理宗朝祀之邵雍司馬光度宗朝與孔鯉並進祀之其進
韓愈則在神宗朝也進董仲舒許衡明洪武時也進吳澄
永樂時也進胡安國蔡沈真德秀正統時從群臣之議也
進楊時弘治時從徐溥之請也進后蒼王通胡瑗歐陽修
陸九淵嘉靖時從張璁之請也進李侗萬曆時從沈漼之
請也進羅從彥從熊尚文之議也而明儒之以當代祀者
於隆慶時進薛瑄於萬曆時進王守仁陳獻章胡居仁此
皆所謂先儒也間又有遷改罷斥者先賢中之公伯寮其

連江縣志

卷之十二

廟祀

二

愬子路以沮聖人非孔子徒也而斥矣申黨卽申棖也秦
冉顏何家語所不載也而皆罷矣林放史記家語並不列
之弟子也蘧伯玉孔子之友非及門也皆改祀之矣先儒
中之鄭衆盧植鄭玄服虔范甯其行已著書於道未盡合
也遷於其鄉矣他若荀况之誣性也則斥戴聖之婪贓也
則斥楊雄爲莽大夫也則斥劉向賈逵尚方術也則斥馬
融之依鄧騭媚梁冀也則斥何休之黜周王魯非法也則
斥王肅之附司馬氏黨惡也則斥王弼之宗老莊辟道也
則斥杜預之建短喪絕天性也則斥吳澄之仕元忘故君

也則又斥此多原本儒先之旨至於嘉靖輔臣卒行其說
然功在斯道當從表章之列者闕畧尚多卽諸所改斥亦
可以參酌而爲之進退追我

朝崇尚理學悉心採訪凡前此禮官儒臣所不能言或言
之未及行潛德幽光一一皆食 盛明之報而典特隆焉
康熙五十三年陞朱熹次於十哲謂其集百家著述爲大
成孔子之道非此不著也以學臣余正健言詔范仲淹從
諸儒列謂其服膺中庸見道篤也至諸先賢先儒祀典多
定於雍正三年於先賢復蘧瑗林放秦冉顏何考家語增

連江縣志

卷之十二

廟祀

三

縣豐據孟子增牧皮仍增孟子門人樂正克萬章公都子
公孫丑四人於先儒進左邱明周敦頤張載程顥程頤邵
雍並稱先賢復鄭玄范甯其增祀漢則諸葛亮宋元則尹
焯黃幹陳淳魏了翁何基王柏趙復金履祥許謙陳澔明
則羅欽順蔡清當代則陸隴其今

上之元年陞有若登堂在朱熹上從尚書徐元夢請也先
是嘉靖時永豐訓導羅恢言有若優於宰我論語記其言
行者四皆有裨世教宜居十哲又王世貞著論亦欲以有
若南宮适進補十哲至是竟行之豈士之充養純修者固

必待

聖朝而後顯歟二年復吳澄祀以其在宋非顯仕而所學者粹不可以一售掩凡皆崇儒重道之至意揆中正而定爲大經用補嘉靖九年議禮者之闕也

連江縣志

卷之十二

廟祀

四

崇聖祀志

前代自宋大中祥符時加謚孔子始追封叔梁紇爲齊國公及元至順初進封王稱啓聖而祠祭之典無聞焉啓聖之有祀蓋在明嘉靖之九年也先是洪武及弘治間宋濂程敏政等立議謂當立啓聖祠祀叔梁紇以無繇點鯉孟孫氏配程朱父蔡元定皆宜從未之舉行至張璁秉政請正祀典事凡五一日不宜庭祀顏路曾點孔鯉於是乃爲啓聖立祠配以三賢并進孟子父激公宜於列例四配而又次以程珦朱松蔡元定例諸賢自後州郡縣皆立祠先

連江縣志

卷之十二

廟祀

五

師廟後每春秋二丁祭先師於是日先祭啓聖孔子至萬曆二十二年湖廣巡撫郭惟賢言宋儒周敦頤首開宋諸儒之統其父輔成宜如珦松例祀於啓聖祠從之乃又躋輔成於珦松元定上而啓聖孔子之先則未有祀之者也按天啓元年御史董翼孔廟追叙一疏其議至詳切畧云顏曾思孟雖大賢視孔子則遠周程朱蔡爲大儒視孔子又遠今崇報孔子止及其父視諸賢諸儒無加是爲無等且聖明推恩臣下有榮施三世者何可以至聖先師不如保傅時僅報聞而已

自朝世廟之初易啓聖祠爲崇聖追王至五代於祠中增設神主首肇聖王木金父也次裕聖王祈父也又次詒聖王防叔也又次昌聖王伯夏也又次則啓聖王二丁主祭之官以次行禮焉推先師所自出又體仁孝之心益進於無窮蓋從古以來崇報之禮於是而始備其從祀則於二年進張載父張迪列輔成之下亦於萬曆間學錄張養蒙之說有取云

連江縣志

卷之十二

廟祀

六

聖賢位號

附廟祀常儀

正殿

至聖先師孔子

東配

復聖顏子

諱回字子淵曲阜人

述聖子思子

諱伋聖孫

西配

宗聖曾子

諱參字子輿武城人

亞聖孟子

諱軻字子與鄒人

東哲

先賢閔子子騫

諱損魯人

先賢冉子子仲弓

諱雍魯人

連江縣志

卷之十二

廟祀

七

先賢端木子子貢

諱賜衛人

先賢仲子子路

諱由魯人之十人

先賢卜子子夏

諱商衛人

先賢有子子有

諱若一字子若曲阜人

西哲

先賢冉子伯牛

諱耕魯人

先賢宰子子我

諱予曲阜人

先賢冉子子有

諱求魯人

先賢言子子游

諱偃吳人

先賢顓孫子子張

諱師陳州人

先賢朱子元晦

諱熹宋代婺源人

東廡

先賢蘧子伯玉

諱瑗衛人

先賢澹臺子羽

諱滅明武城人

先賢原子子思

諱憲宋人

先賢南宮子子容

諱适一名縉兗州人

先賢商子子木 諱瞿曲 阜人

先賢漆雕子子若 諱開 魯人

先賢司馬子子牛 諱耕商 邱人

先賢巫馬子子期 諱施 魯人

先賢顏子子柳 諱辛亮 州人

先賢曹子子循 諱恤衛 汝寧人

先賢公孫子子石 諱龍 楚人

先賢秦子子丕 諱商亮 州人

先賢顏子子驕 諱高曲 阜人

先賢壤駟子子徒 諱赤西 安人

先賢石作子子明 諱蜀鞏 昌人

先賢公夏子子乘 諱首 魯人

先賢后子子里 諱處青 州人

先賢奚容子子偕 諱歲亮 州人

先賢顏子子商 諱祖曲 阜人

先賢句井子子疆 諱疆衛 輝人

先賢秦子子南 諱祖西 安人

先賢縣子子祺 諱成 魯人

連江縣志 卷之十二 廟祀

八

先賢公祖子子之 諱句茲 兗州人

先賢燕子子思 諱伋漁 陽人

先賢樂子子聲 諱欬亮 州人

先賢狄子子皙 諱黑衛 輝人

先賢子蕤子 諱忠聖兄 孔皮之子

先賢公西子子上 諱歲亮 州人

先賢顏子子叔 諱之僕 曲阜人

先賢施子子恒 諱之常

先賢申子子周 諱棖

先賢左子 諱邱明春秋 時汶上人

先賢秦子子開 諱冉 蔡人

先賢牧子 諱皮

先賢公都子 諱頤宋代 洛陽人

先賢張子子厚 諱載宋代 大梁人

先賢程子子正叔 諱頤宋代 洛陽人

先賢公羊子 諱高周末 臨淄人

先儒子國子 諱安國先師 十一世孫

先儒毛子

諱萇漢代河間人

先儒高堂子伯

諱生

先儒鄭子康成

諱立漢代高密人

先儒諸葛子孔明

諱亮東漢瑯琊人

先儒王子仲淹

諱通隋代龍門人

先儒司馬子君實

諱光宋代涑水人

先儒歐陽子永叔

諱修宋代廬陵人

先儒胡子康侯

諱安國宋代崇安人

先儒尹子彥明

諱焯宋代洛人

先儒呂子伯恭

諱祖謙宋代婺州人

先儒蔡子仲默

諱沈宋代建陽人

先儒陸子子靜

諱九淵宋代金谿人

先儒陳子安卿

諱淳宋代龍溪人

先儒魏子華甫

諱了翁宋代浦江人

先儒王子會之

諱柏宋代金華人

先儒許子仲平

諱衡元代河南人

先儒許子益之

諱謙元代金華人

先儒王子伯安

諱守仁明代餘姚人

連江縣志

卷之主

廟祀

九

先儒薛子德温

諱瑄明代河津人

先儒羅子允升

諱欽順明代泰和人

先儒陸子稼書

諱隴其朝平湖人

西廡

先賢林子子邱

諱放魯人

先賢宓子子賤

諱不齊曲阜人

先賢公冶子子長

諱長諸城人

先賢公皙子季次

諱哀濟南人

先賢高子子羔

諱柴衛州輝人

先賢樊子子遲

諱須亮州人

先賢商子子季

諱澤亮州人

先賢梁子叔魚

諱鱸齊人

先賢冉子子魯

諱孺亮州人

先賢伯子子析

諱虔亮州人

先賢冉子子產

諱季亮州人

先賢漆雕子子期

諱徒父魯人

先賢漆雕子子斂 諱哆 兗州人

先賢公西子子華 諱赤 曲阜人

先賢任子子選 諱不齊 荊州人

先賢公良子子正 諱孺 陳州人

先賢公肩子子中 諱定 兗州人

先賢鄒子子家 諱單 聊城人

先賢罕父子子索 諱黑 兗州人

先賢榮子子祺 諱旂 魯人

先賢左人子子行 諱郢 兗州人

先賢鄭子子徒 諱國 兗州人

先賢原子子籍 諱亢 兗州人

先賢廉子子庸 諱潔 衛人

先賢叔仲子子期 諱會 兗州人

先賢公西子子上 諱輿 兗州人

先賢邾子子斂 諱異 魯人

先賢陳子子禽 諱亢 陳州人

先賢琴子子開 諱張 衛人

先賢步叔子子車 諱乘 青州人

連江縣志 卷之十三

廟祀 十

先賢秦子子之 諱非 兗州人

先賢顏子子聲 諱噲 曲阜人

先賢顏子子冉 諱何 魯人

先賢縣子子象 諱直

先賢樂正子 諱克 齊人

先賢萬子 諱章 宋人

先賢周子茂叔 諱敦 頤宋人

先賢程子伯淳 諱顥 宋洛陽人

先賢邵子堯夫 諱雍 宋涿州人

先儒穀梁子元始 諱赤 周末魯人

先儒伏子不賤 諱勝 秦代鄒平人

先儒后子近君 諱蒼 漢代東海人

先儒董子 諱仲舒 漢代河間人

先儒杜子 諱子春 東漢偃師人

先儒范子武子 諱寧 晉代鄆陵人

先儒韓子退之 諱愈 唐代修武人

先儒范子希文 諱仲淹 宋代吳縣人

先儒胡子翼之 諱瑗 宋代秦州人

先儒楊子中立 諱時宋代 將樂人

先儒羅子仲素 諱從彥宋代 代南劍人

先儒李子愿中 諱侗宋代 劍浦人

先儒張子敬夫 諱棫宋代 綿竹人

先儒黃子直卿 諱幹宋代 閩縣人

先儒真子希元 諱德秀宋代 代浦城人

先儒何子子恭 諱基宋代 金華人

先儒趙子仁甫 諱復宋代 德安人

先儒金子吉甫 諱履祥元 代蘭溪人

先儒吳子幼清 諱澄元代 崇仁人

先儒陳子可大 諱澔元代 都昌人

先儒陳子公甫 諱獻章明代 代新會人

先儒胡子叔心 諱居仁明代 代餘干人

先儒蔡子介夫 諱清明代 晉江人

崇聖祠位號

肇聖王 木金父公正中

裕聖王 祈父公東

連江縣志 卷之十二

廟祀

十一

詒聖王 防叔公西

昌聖王 伯夏公東

啓聖王 叔梁公西

東配

先賢顏氏路 諱無繇

先賢孔氏伯魚 諱鯉

西配

先賢曾氏皙 諱點

先賢孟氏公宜 諱激

東廡

先儒周氏 諱輔成

先儒程氏伯溫 諱珦

先儒蔡氏季通 諱元定

西廡

先儒張氏

諱迪

先儒朱氏喬年

諱松

別尊卑辨先後禮之大者也弟在師前孫居祖上其可乎今之陞祀者從先賢列禮固以義起外此綴列兩廡無慮數十位紛而易紊不秩之以等其褻越孰甚焉他又有一當正者古多複姓如諸賢中端木顓孫公西漆雕公冶澹臺南宮巫馬司馬公孫諸姓學士所共聞矣至若公良壤駟奚容句井宰父石作公肩左人之類世所罕傳書之不能無謬卽寧化志亦多仍其故曰公子壤

連江縣志

卷之十二

廟祀

三

子奚子甸子其誤非一矣此當正者一禮以別嫌先師稱曰孔子其子孫不得復稱孔子故四配獨述聖不書姓而曰子思子今先賢諱忠者先師兄子也先儒諱安國者先師十一世孫也乃不體子思子例而曰孔子忠孔子安國非惟不避先師且同在廟中禮無一定矣此當正者二君前則臣名父前則子名弟於師義如之抑於其所尊也否則諱今祀於廟者皆後進所崇而事也而敢斥言其名乎前此皆曰某子某爾汝之呼奚啻哉如謂姓同者慮無別則詳書諱某於下亦可耳此當正

者三茲以序位而悉爲正之亦求當乎禮而已矣

廟祀常儀

先師位前陳設

禮神制帛一

皆用白色

牛一

羊豕各一

白磁爵三

登一

鉶二

簋簠各二

籩豆各八

外勺以挹酒

雲雷尊二盛初獻酒象尊一盛亞獻

酒犧尊一盛終獻酒

祝版一

庭燎二

當祭以諸生品優者合歌樂章

迎神樂奏咸和之曲歌曰大哉宣聖道德尊崇維持王化斯民是宗典祀有常精純益隆神其來格於昭聖容

連江縣志

卷之十二

廟祀

三

獻帛樂奏寧和之曲歌曰自生民來誰底其盛惟王神

明度越前聖絜帛具成禮容斯稱黍稷非馨唯神之聽

初獻樂奏安和之曲歌曰大哉聖師實天生德作樂以

崇時祀無斃清酤惟馨嘉牲孔碩薦羞神明庶幾來格

亞獻樂奏景和之曲歌曰百王宗師生民物軌瞻之洋

洋神其寧止酌彼金罍惟清且旨登獻於三於嘻成禮

終獻樂奏咸和之曲 歌同亞獻

徹饌樂奏咸和之曲歌曰犧象在前豆籩在列以享以

薦既芬既潔禮成樂備人和神悅祭則受福率遵無越

送神樂奏咸和之曲歌曰有嚴學宮四方來崇恪恭祀
事威儀雖離歆格惟馨神馭還復明禋斯畢咸膺百福
祝文云維年月日某官某敢昭告於至聖先師孔子惟
先師德配天地道貫古今刪述六經垂憲萬世今茲仲
秋春謹以牲帛醴齊粢盛庶品式陳明薦以復聖顏子宗
聖曾子述聖子思子亞聖孟子配尚饗

四配位前陳設 禮神制帛各一 共羊一豕一 白磁
爵三 登一 鉶二 簋一 簋一 籩六 豆六
十二哲位前陳設東西各六案 禮神制帛東西各一

連江縣志

卷之十一

廟祀

古

羊各一 豕各一 鉶各二 白磁爵各三 簋各一
簋各一 籩各四 豆各四

東西兩廡諸位前陳設東西各四壇 禮神制帛東西各
一 羊各一 豕各一 每位爵各一 每壇簋各一
簋各一 籩各四 豆各四

崇聖祠

五王位前陳設五案 每位禮神制帛各一 羊一 豕
一 爵五 鉶二 簋一 簋一 籩八 豆八 尊
二 祝版一

初獻陳祝文云維王誕生至聖爲萬世王者師功德顯
著今茲仲春秋謹以牲帛醴齊粢盛庶品用申常祭以先
賢顏氏曾氏孔氏孟孫氏配尚饗

東西配位前陳設每位一案 禮神制帛東西各一 豕
各一 爵各三 簋各一 簋各一 籩各四 豆各
四

兩廡配位前陳設各一案 禮神制帛東西各一 豕各
一 爵各三 簋各一 簋各一 籩各四 豆各四

名宦祠

苟欲於長吏致所愛環百里中皆可寄此俎豆而必分膠庠一席附前古瞽宗之祭者何也蓋學校之地士論在焉是非之所自定也必政教昭賢能著始得援功德而崇祀典乃知旌揚之無濫及可爲施法宣勞者之勸邑祀唐縣令劉達宋知縣事鞠仲謀傅伯成明通判徐訪知縣歐陽瀚郭軒袁鑑張聘夫提學副使郭之奇訓導薛俊

國朝知縣楊繼生凡十一人祀用帛一羊一豕一爵三籩四豆四祝版一

連江縣志

卷之十二

廟祀

六

鄉賢祠

集鄉之諸先生而祀之志不忘也曷爲乎志不忘也示法也夫維桑與梓必恭敬止矧夫示我周行者乎生共此邦遠或數百年近或百年流風餘韻挹之猶新彼其人之德義事功信可視倣卽無不歷久而光高山之企得不勉諸此古人立法之義也邑祀隋義士林堯唐尚書張瑩宋侍郎李彌遜陳舜申尚書李彌大郎中李彌正助教周希孟處士林幾復著作郎鄭鑑朝奉郎林撝大理卿陳德豫知府陳德一學士李韶少保常挺教授林公玉明叅議孫芝

御史游義生郎中陳鴻漸副使林錦按察使李士文吳世澤參政游璉通判鄭昉知縣鄭嶧義門楊崇僉事王德溢提舉陳元憲知州陳璽陳址御史孫用尚書吳文華同知王一岳名儒陳第凡三十三人祀用帛一羊一豕一爵三

邊四豆四祝版一

附游璉鄉賢祠記云璉家食日遊於類觀吾鄉諸先賢於義得祀者自唐禮部

張公瑩以下如某某若干人焉其故實行踐載諸國史志郡邑乘者彬彬洋洋果悉持世樹聲矣乃嘆曰祀典起義以明化人心闕世而愈公是是非非雖於天下可也舊祠附於學宮乃為風雨之齧蝕而神棲弗安又乏明德薦馨香幾廢祀事先是憲副餘姚胡公柄學政率教屬敬祀於鄉之先賢繼憲僉臨海秦公舉憲事抵吾連允生員陳价等請遂檄邑侯吳公笈董其事尉唐君相博士戴君良貴相與督成之乃度地於學宮之南舊鳳凰池因高升卑創

連江縣志

卷之十二

廟祀

七

為祠宇者若干楹安神有堂登獻有階庖滌有所掃灑有役禮制備矣又嘆曰祀鄉賢者鄉人也凡生長於斯歲時奉祀登堂對越其無感今懷古努力思齊者乎仰其人又從而考其德數其功其無夙夜匪懈以求爾生無忝者乎則斯舉不但為吾黨之光崇德義昌風化是是非非天下之至公形焉事竣生員陳一元等將師命謁予為記予方從戶部守制嘉其志不敢以匪文辭乃志其事而繫以歲月按祠先在戟門西嘉靖初改建鳳池斗魁亭之址後又圯嘉靖二十八年知縣向縞改建於學門之右為今地

祭器

凡祭必備器器必謹司古之祀事者尊彝有掌巾冪有掌蓋其愼也將以致精誠於先聖庸敢褻焉連祭器多失其舊方海氛之熾豈其愛此餘馨委並銅駝不盡咎於官司

之守也今據其存者籍以垂後

鐵香爐一 木香爐一 鐵燭臺一 鐵花瓶一 大

小爵共五十五 鋤二十八 簋四 簋四 登一

酒樽三 邊四十二 豆五十

按明成化間邑人副使林錦置銅爵一百二十座教諭
傅榮報書云邑學舊傳銅爵一十有五以備三獻之禮
其一折足已不堪祭祀自餘一獻之賢皆用陶器歲久
缺壞又不能如其數致或二賢供一爵豈禮也哉歲時
祀事榮未嘗不慨然於斯十月初邑人黃時旦自羊城
回賚銅爵百有二十且致老先生拳拳之意拜領如數
又云皆出自俸錢感荷感荷祀禮克備廟學有光誠千
萬世不朽事也周鼎商盤皆若茲矣如是美名固不待
銘之於器而賢譽之在人若有若銘焉謹佈謝悃書不能
悉 國初邑學生趙用置錫盞五十座邑人司訓陳彥

連江縣志

卷之十二

廟祀

六

粥置木豆一百座燭臺十合續置
銅爵十座木豆三十座木爐五座

書籍

三代之治本乎學聖人之道存乎經經明道故明也至於
史六經之支也時平必興學興學必尊經故經史之頒學
宮時有於是天下郡縣學皆設藏經之閣以爲之位置然
自高閣一度數十年不復觸手昔之緗帙縹囊轉爲殘編
斷簡者蓋在在皆然也連則震於飛廉閣之廢久矣比歲
洪波屢泛神仙之字乃分飽江魚六籍之傳何有乎
今天子念建國君民之要教學爲先分四庫以廣迪天下

而學宮儲書之富尤盛於前焉是望懲前毖後善爲之所
庶與好學諸君子相爲紬繹之也因考其書并舊日而悉
載之

十三經註疏

十七史

弘簡錄

卽唐五代宋
遼金元史

大清律

以上
新頒

四書大全

五經大全

性理大全

大學衍義補

大

明一統志

通鑑

文獻通考

大明會典

十七史詳

節 漢書

晉書

唐書

朱子大全

以上各書雍正三
年洪水漂沒無存

連江縣志

卷之十二

廟祀

十九

書院志

萃天下才俊於泮宮臨以先聖使皆悚惕以循乎其教此
近古立學之制乎先賢傳聖人之道者也學者仰而承之
日以德行道藝講習於其側以是為教人之方與夫師儒
之所以迪者義一而已閩地學官之外多創書院以居學
者連則前此無之自康熙三十七年知府遲維城飭毀淫
祠時邑治西南江夏街有廟在毀例諸生廼白於知縣李

毓英申請改祀朱文公

吳駿記 聖朝崇理學勅郡邑建
朱文公特祠典誠鉅也連為公經

遊地祀事獨闕歲戊寅郡侯遲公維城飭毀淫祠邑治南
舊有廟當毀諸生請於邑侯李公毓英改祀文公侯曰吾

連江縣志

卷之十一

書院

二十

志也力請檄行因而更新之廟貌肅然夫有其廢之莫敢
舉也而固難於其廢也有其舉之莫敢廢也而固難於其
舉也二侯之功均不可泯金祀以垂不朽遂勒其事於石因移九龍山下之祀於其地

歲以春秋二仲舉焉

九龍山下文公過化地鄉人祠而祀
之以高弟劉砥劉礪配楊承鏞題云

千章集小大之成孔孟以來得夫子斯文益著
一字嚴是非之辨春秋而外微先生厥任誰歸自是學者

常講業其中東西舍生徒恒滿數年來遂稱書院矣其在
化龍街橋西者曰理學書院舊為天主堂蓋奉利瑪竇所
傳教也雍正元年以總制滿保巡撫黃國材檄行毀之知
縣蘇習禮允諸生請改為書院祀周濂溪張橫渠二程邵
康節五先生春秋二仲有祭今亦聞絃誦其間云

壇壝祠廟志

惟生民所仰而心志肅焉凡祀之在官者皆是也明德以昭之和聲以聽之宜矣神道章其教於是里各薦馨家爲尸祝而皆原德溯功依乎捍患禦災之說則臚之常典義或未乖夫君子之爲治也保民而已苟爲吾民大美報而除其災患守土者尚嘉賴之毋疑弗秩於祀迂其事於爰居也

社稷壇

壇之制墀而不屋其祭社稷何人非土不生非穀不食五

連江縣志

卷之十一

祠廟

三

土五穀有神是以祭之也舊地在美政街西巷內宋慶元間知縣趙善謚以爲褻移建清河里玉泉山前洪武間知縣王德欽縣丞商準重修雍正九年知縣陸鶴繅之以牆祭以春秋二仲上戊日其木主藏城隍廟祭則設之一書連江縣縣社之神一書連江縣縣稷之神祭物羊豕各一帛用黑色各一籩豆各四簋簋各二鉶各一

風雲雷雨山川壇

古諸侯有山川之祭爲其能出物焉能潤澤物焉能生雲雨焉爲恩多故祭之今邑宰亦稱侯義得以祭其並祀風

雲雷雨何祈無鳴條氛惡折木破塊爲生民福也舊志雷雨壇在縣之西風師壇在縣之北今俱在新安里相公隄西南洪武間重建雍正九年知縣陸鶴繚之以牆春秋二仲上戊日合城隍而祭於壇爲主三一書風雲雷雨之神居中一書連江縣境內山川之神居左一書連江縣城隍之神居右中用帛四左帛二皆黑色右帛一白色陳設與社稷同

邑厲壇

凡鬼不得所依則爲厲邑之無祀者官祭之欲有所歆無

連江縣志

卷之十一

祠廟

三

爲伯有之祟也壇在縣北一里洪武五年知縣王德欽建八年縣丞商準修弘治戊子

國朝康熙四十四年皆重建祭期每歲以清明中元孟冬朔日凡三其祭先期三日主祭官牒告於城隍之神至日迎城隍位於壇上以主之設無祀鬼神牌於壇下祭物羊三豕三米三石

各里社稷壇

明制里社各得立壇以祀土穀值年里長先期潔壇場釀金備品物豕一及酒果庶品之屬至日聚祭祭畢會飲令

一人申扶弱抑強之誓然後以次就坐猶古禮云計壇場

凡二十四 欽平上里在阪橋頭 欽平下里在牛頭洋 安慶里在范溪頭 永貴里在斗門頭 嘉賢

上里在宮邊阪 賢義里在東塘嘴邊 清河里在小灣 嘉賢下里在官巷 集政上里在下濂 集政下里在

洪下 安德里在月峯山下 保安里在塘邊宅 建興里在湧泉寺前 安義里在丹陽阪 中鵠里在東禪

仁賢里在東山阪 安定里在林宅洋尾 光臨里在湯嶺兜 安仁上中下里在東岸 二十六都在安海 二

十七都在官嶺 二十八都在小樵口 二十九都在填口前

各鄉厲壇

禮如社稷之祭亦洪武間立為法其地不一今祭者寥寥

而制不復古矣 欽平上里在小與頭 欽平下里在九天 阪 新安里在館頭嶺兜 安慶里在下

連江縣志

卷之十二

祠廟

三

斗門 永貴里在演與東洋 嘉賢上里在山鬼巖 嘉賢下里在官巷 賢義里在湖溪 清河里在小灣 集

政上里在官庄阪 集政下里在東村嶼 安德里在鱸山兜 保安里在鯉溪河邊 建興里在倪倉前 安義

里在丹陽 中鵠里在東禪 仁賢里在白巖 安定里在聶倉前 光臨里在東洋 安仁上中下里在東岸

二十六都在安海 二十七都在螭江羊坑山 二十八都在沙塘 二十九都在南山洋

旗纛神壇

祭軍牙六纛也舊在定海千戶所正廳東洪武二十年福

州左衛千戶秦惟督建今廢每歲霜降營官於演武亭設

位以祭縣官亦率民壯祭於西較場

城隍廟

有都邑則有城池民皆依以爲命故天下祀之南陽王鴻
儒以爲卽古水庸周禮列於八蜡之祭者也明洪武二年
封其神爲鑒察司民顯佑伯六年改正神號在連邑者題
曰連江縣城隍之神歲春秋二仲合風雲雷雨山川並祭
於南壇及主邑厲祭守土官初蒞必致祭而後履任或有
水旱之禱輒具牒告神前廟在治前之左宋乾道九年知
縣曾模卽學基改建明洪武八年王德欽重修宣德九年
劉仲戩增建兩廡六曹蘇文鉞爲之記景泰五年歐陽瀚
復修嘉靖二十一年署縣通判徐訪重建儀門仍修堂寢
六曹崇禎十四年唐廷彥重建正廳

連江縣志

卷之十一

祠廟

三

國朝順治十八年署縣王章重修康熙十一年郭鞏建儀
門六曹二十八年閔達重修並建外門

王章重修城隍廟
序云竊見連邑之

事神者吾惑焉西天諸佛南海大士及漢壯繆夫子羣壁
而祀之者丹楹刻桷纓璧而鏤金如王宮然甚至皇皇上
帝亦敢文繡土木渾褻太清意以西天南海好福利人壯
繆鬚眉赫赫如挈秦鏡案人惟上帝則禍福之樞也是以
汲汲率爲營造捐貲輸粟攘臂恐後雖親戚餓凍不顧恤
也雖白日攫金詰朝盟手而供之亦傲然有自功之色以
爲能作一切莊麗功德卽譬孽山積直午日雪樓耳是則
諸衆生之戚戚於禍福也其於鬼神非能對越不敢不諂
之也亦大致敬畏夫有所求之也諂則望其憐之求則乞
其應之不思上帝宸居玉樓金闕壯繆柱礎徧天下西方
南海各有金界何有此區區數椽而憐且應之耶盍念最
尊最親之神莫如本邑之城隍顯佑伯是山川社稷之宗

也風雲雷雨之所會也縣長官旦日坐堂上持三尺箠操切人肌膚以彰朝廷大法伯則向夜覆勘縣長官所操切當則付諸善惡之報不當則必陰譴縣長官別示威靈務盡著善惡之果報而後已然則顯佑伯之於連邑諸父老子弟其亦大費扶持矣乃今廟貌缺然四壁不足以蔽風雨寢殿棄爲乞兒卧榻周落圯傾來豕牛踐溺無禁諸父老子弟朝夕目擊獨不能愴尊親之懷節諸聖神材瓦之餘爲此歸然壯一日之鐘鼓乎余以謫吏偶攝是邑率每三五日一瞻仰輒悒悒作數日惡特度一削髮男子募緣修葺之國中楊御特陳如築兩鄉先生力任其事固知慕義者無窮落成幸有日邑之士女異日以水旱盜賊厲疫諸災祥望其憐而應之也如呼慈父母然者以顯佑伯之於連邑夫固有專司焉非諸聖神之窮日夜望幸而終莫能庶幾一遇也

關帝廟

祀漢前將軍關羽也將軍正氣塞宇宙祀典隆古今元時

連江縣志

卷之十二

祠廟

五

封號曰義勇武安王至明萬曆甲寅加九旒冠玉帶龍袍金牌改封三界伏魔大帝神威遠鎮天尊關聖帝君自是乃稱帝

國朝雍正六年復追封三代爲王

勅令重修廟宇有司春秋致祭如 文廟禮廟在縣儀門

之左舊爲縣丞署康熙五年裁縣丞知縣周雲龍因建廟祀帝八年郭鞏改爲寅賓館五十六年王孚又改爲廟一在治東二十六都北菱巡檢司署前永樂九年建名武安行祠萬曆間移建菱城南門外

先農廟

時在春耕祭其始之者祭畢履畝長官行三推禮以勸農也地在北郊之原雍正六年奉文新建

土地廟

五土有生物之功嘗見之秩祀矣土地又曷以名曰民之生有食亦有居土地所以奠厥居也別而祀之義或各有取歟邑有廟在關帝前明知縣于可舉建康熙十一年郭鞏重修

文昌祠

連江縣志

卷之十二

祠廟

三

祠在 文廟前鳳凰池南祀文昌神梓潼帝君也唐宋以來皆有其祀代加封號明成化十三年勅內外臣庶於郡城艮地建護國帝君廟天下郡邑咸立祠宇正德十五年御製護國文昌帝君廟碑文仍系以詩按清河內傳及文昌化書所著事蹟雖錯綜變幻不可方物大要以忠孝節義為本其報在福善禍淫關乎世教故春秋二丁皆有祭

云祭物羊豕各一邊豆各八簋簋各一爵三劔二帛一

鄭

文昌祀議云文昌之祀人也非星也論星則古者惟天子得以祀幽宗土也惡得而祀之論人則古先哲彥或功在文教景仰而俎豆之自可千古勿替耳按今日所祀者乃梓潼帝君也蜀清虛觀碑云帝君生於唐時張氏諱亞越

中哲人後徙蜀卽梓潼居焉其人俊雅灑落其文明麗浩蕩爲蜀中宗師已發解隨第春官因感時事託爲方外遊蜀中人慕之構祠清虛觀題曰梓潼君祠咸曰天有文昌君信其人矣要其碑文所載大率言其人其文足爲世宗師祀之以爲有文敷非有誕漫不經之說也至曰文昌亦因其人而推尊之耳况嶽降載之於詩感星時見於史生有自來在地爲河嶽在天爲列星理不誣也是以星而實以人不過以傳說應箕蕭何應昂之意人而塑以像不過如蜀祀武侯潮祀文公之意像而尊以帝不過如孔聖之稱文宣王七十子爲公侯之意此皆高明才俊羣耳而自之歷千百年後而無怪者何獨於其人其文足爲宗師而有功文教者疑爲不足應天宿而當帝稱必欲除之以絕士人景仰之私乎至於陰騭一文雖屬廣筆然未醇者獨奉真朝斗拜佛念經兩言決擇之可也其餘無非忠孝之旨仁義之詞勸戒所及巨細畢舉苟能行其一二卽當代名宦鴻儒所莫尚豈返躬未之一踐者而妄訾水於汙泥之地耶然則哲人可仰文教待興自蜀流傳天下自唐垂傳至今未之有議幸無與五帝齊天九使諸淫祀同類

連江縣志

卷之十二

祠廟

三

並視之也

遺愛祠

祠在治北東湖山左之麓唐咸通間建宋元因之正統十年耆民趙元俊等重修天順間知縣歐陽瀚復更新之嘉靖三年叅政蔡潮改建於湖之西初祀有功於湖者劉鞠二賢令後以歐陽瀚林堯並祀焉

國朝康熙十一年重修又祀署縣王紹芝郡守王之儀乾隆三年知縣戚崧言旣清湖地砌堦築隄就故祠旁復爲三間別祀林堯堯捐田爲湖者邑人也皆以春秋二仲致

祭用羊豕各一爵六帛六陳庶品

邑人李彌遜詩云山遠平湖綠四邊兩公遺愛

至今傳蘋風引釣魚隨艇穀雨催耕水拍田敗葉丹青悲落日荒庭簪笏想流年桐鄉不廢春秋祀簫鼓雞豚久更虔陳成已詩云水自湖心一派分高低晚望稻垂雲侵漁爭畔人如鬼莫向祠前聽祭文

保固祠

祠舊在東郊龍興觀西祀明通判署縣徐訪也訪初為連

建城深有功德後以上下文書舛誤幾受誣不得白邑人

王德溢題句於祠云百堵原為民社計公之不能者天一

心端許鬼神知士亦何負於國嘉靖二十三年金國襄立

城記祠中丁巳燬於倭寇移建通濟橋南壇旁雍正四年

連江縣志

卷之十二

祠廟

三

洪水圯壞八年重建春秋上戊隨南壇以祭用羊豕各一

爵一籩一豆四帛一

副使倪緝記云連邑自晉太康易鎮為縣迄今未有城也縣距會城九十

里為省東北之障鄰羅源古田接壤溫處深山窮谷為逋逃藪嘯聚者可旦夕至故邑之聚落無完居民病焉正統間鑛冶桀雄承鄧茂七之亂為邑害此後剽掠村墟鈔公積者輒有之嘉靖庚子之變邑民之荼毒尤甚故警報一呼鄰之州邑保於城者如故連則奔攜四竄無以自衛也王侍御作荒邑議以自於時邑人乃謀於邑侯先公謨具請於當道巡按徐公宗魯遂力主之乃命通判徐公訪專董其役量工度時鳩材庀物而連邑城焉夫王公設險以守其國城郭溝池非域民首務者乎連之城在正統間已萌是議自是相度者四事竟中止近叅政蔡公潮郡守汪公文盛布畫城規教民作敵樓以自衛然無戎而議守民狃於習城固未之暇也歷正統嘉靖自巡按王公英謀厥始徐公宗魯成厥終藩公顧公夢圭徐公樾陳公洙劉公仕賢首議之方伯車公純歐陽公席出公帑以佐之巡守

李公香僉事利公賓郡佐徐公訪邑侯洗公謨樂成之游
公璉吳公世澤李公士文王公德溢孫公文錫皆連產也
又先後贊襄之輿論叢而事克濟焉由是觀之功之修舉
固自有時而事之紓速實存乎人者非耶夫徒扛輿梁爲
民利涉也而况城郭以衛民居者乎室之有牆以蔽惡也
而况城郭以捍民患者乎顧當事者奪於遷代之速而任
事者惑於萋菲之嫌君子無取焉茲一勞而永逸纔費而
久安連之士民胥慶其室家相保其田里是有賴於永世
乎是役也始於嘉靖庚子迄辛丑甫一期因山剝石分冶
甄甃第相民有恆業者分築之址沿敵樓不妨民之居集
諸部就備者不痺民之力緡於寺產與公羨不損民之財
功與時會事以義舉而急病讓夷郡佐徐公之力尤多逮
公之去閩也當事者以此而中傷之然連之士民覩公之
心如白日思其去也以祠以碑公是公好民非至愚而神
者耶城週以丈計九百二十高以尺計十有七趾袤十面
削十之一門四水關二樓鋪八費以兩計萬二千七百有
云奇

連江縣志

卷之十一

祠廟

三

忠孝節義祠

祠在儒學之東雍正三年

勅建祀邑人諸忠義者知縣劉良璧建於舊射圃地圯於

水乾隆四年知縣戚焱言重建

節孝祠

祠在儒學之西雍正三年

勅建祀歷朝諸節孝婦知縣劉良璧建於郭公祠廢地祠

前有坊乾隆二年以水圯四年知縣戚焱言重建

英顯廟

廟在新安里兌峯初在施灣神姓蕭名孔仲字仲謀建安人唐莊宗時登進士遜跡居連披剝學道嘗馴伏彪虎歿而邑人神之宋寶祐癸丑夏不雨衆致禱隨見滂沱紹興間海寇趣荻蘆見神兵於九龍江而遁是後頻顯靈異元監縣抄耳赤以神功聞於朝封衛善保濟著祥公後廟火重建於明洪武五年至萬曆十八年又建大學士吳沈爲記廟因山爲址故後軒前輕外堂稍庫

國朝雍正十年庠生吳雲達捐募撤其舊廓而崇之規制

遂新 明令張賢詩云曲徑岩巖聳兌峯巍峩金碧隱仙踪西來甘雨盈雙澗南出神兵靖九龍卓錫遙歸青嶂

連江縣志

卷之十一

祠廟

三

麓啼鶯別去御樓鐘春來兩度看花處紅遍官前萬樹松

溫麻廟

廟在治東北黃家墩晉太康三年建以祀舊鎮之神前吳後李二公也其來最久屢有飭治宣德三年鄉民陳彥器重修康熙乙卯圯於風鄉復募建

佑聖宮

宮在治東北古風伯壇邑人孫士楚常遇鮑地仙指壇所謂有皂旗現越八年當有龜蛇出後果然楚感其言嘉定六年捨田壇爲宮以祀真武一在治西白石街嘉靖間廢

一在治南矩庾江濱今移通濟橋頭一在治北縣署之後

東嶽行祠

祠在治東郊阪宋紹興間建以祀東嶽神爲祝聖道場景定二年邑人常挺以龍興廢寺田九百餘畝奏爲其業以殿後爲龍興觀嘉靖三十六年燬於倭萬曆間知縣劉燧復建

國朝北路總兵吳萬福重修

康王行祠

祠在嶽廟之左明永樂間建神姓康名保裔河南海康人

連江縣志

卷之十一

祠廟

三

宋咸平間爲彭國軍節度使與契丹戰於河間援兵不至力戰以死英靈甚赫累封都統英烈尊王

天妃廟

廟在縣治西南江夏街舊名宣慈廟俗稱新宮康熙三十八年自龍津坊內移建一在治東欽平下里伏沙稱行祠元延祐四年建神姓林字九娘世居莆田湄洲都巡檢愿之第六女母王氏生神於宋元祐八年少而靈異知人禍福室居幾三十年卒而爲神廟在莆之江口按莆志載神靈蹟甚多屢遨遊海上凡舟航遇風欲溺神降輒獲安濟

又能噓風縱火數却海寇爲功生民宋元之際加封蓋仍
仍焉永樂元年封弘仁普濟天妃成化間給事中陳詢嘉
靖間給事中陳侃前後奉使外國出島皆幾危神爲顯異
一以紅燈一以火光因俱免

國朝康熙甲子提督施琅征臺見神兵助陣衣袍盡濕奏
請加封天后六十年復

詔勅郡縣春秋致祭

東平王祠

祠在縣後佑聖宮左祀唐御史中丞張巡也嘉靖間修建

連江縣志

卷之三

祠廟

三

按建寧志沙寇鄧茂七作亂部酋吳廷祿攻縣祈於神至
六七筊不許賊怒焚廟有頃大雨如注狂風拔賊營旗幟
盡仆衆披靡而潰復見夢於陳善安王雅糾衆擊之賊忽
聞金鼓喧天所履地若騰湧然人馬辟易大敗斬首千五
百級夫公生爲忠臣死爲明神其能奮威殺賊不亦宜乎

靈勇廟

廟在縣治堙後宋嘉定二年建神姓黃諱忠肅字直夫西
京人唐僖宗時爲金吾大將軍將兵十萬戰黃巢於三衢
仗鉞入閩歿而爲神後唐封爲金吾無敵侯靖康初建寇

葉儂侵縣境至羅崙望神兵遁去景定四年賜額一在治南新安里利坑名靈勇行祠

靈尊廟

廟在治西清河里濂湖旁神姓鄭諱璋字琳叔光州固始人唐大曆間督兵討黃巢於光化里南至金鷄山下歿因葬焉唐末有林特者捧香火至邑因建廟祀之夢卜多靈俗呼祈夢堂

昭利廟

廟在治東永貴里演興神陳姓閩觀察使富沙陳巖之長

連江縣志

卷之十二

祠廟

三

子唐乾符中黃巢陷閩神憤唐室將亡慨然曰吾生不能濟朝廷之難死當慰生靈之望沒因祀之宣和三年路允迪使三韓涉海遇風以神力獲濟歸奏賜額累封協靈褒應加惠顯王建炎初建寇犯境見神士馬雲布駭而遁去縣解糧舟覆禱於神令漁人沒水求之全獲自是春秋致祭

靈顯廟

廟在治東省魁坊旁舊名鹽水倉神姓黃諱孟字叔達句容縣人唐季遊閩理鹽務於邑沒而有靈宋紹興間海寇

朱明攻縣治衆洶洶欲竄夢神語曰吾在此無憂已而寇解去景定四年賜額咸淳二年封福惠侯

靈佑廟

廟在治西九井後宋嘉定五年建神黃姓東鄉上彭人贅於邑之陳氏臨沒自言被上帝命五百年血食此邦開禧五年邑火現身烈燄中俄而大雨火滅凡有所各以願給寶佑三年賜額洪武間重建今屬靈勇廟之後嘉靖四十年移建也

靈應祠

連江縣志

卷之十一

祠廟

三

祠在城隍廟內東偏神姓卓諱祐之福州侯官文儒坊人宋時進士生而正直服官不徇流俗嘗自謂死當為神及卒果著靈異里人即其屋為廟號應公大夫建寇猖獗神示以威乃却走東鄰不戒於火將延及廟忽反風滅之寶慶三年勅封廣利英顯列侯額曰靈應明永樂四年建嘉靖四十年知縣熊尹臣重修一在新安里赤砂館頭斗門之東元至正間建明景泰間重修

靈溪廟

廟在治東北嘉賢下里財溪宋紹興間建永樂初重修神

漢閩越王郢第三子號白馬三郎有勇力好遊獵時閩縣桑溪里山峽間有潭深不可測中有大鱓數出害稼三郎射中之鱓怒以尾纏三郎人馬俱溺土人立廟祀之宋淳熙八年郡守陳愷禱雨而驗見廟前華表扁曰鱓溪因嘆曰俗徒知鱓之靈不知殺鱓者靈也遂改鱓為善以神能福善利物故云咸通六年觀察使李瓚禱雨復應奏封龍驤侯累封冲濟廣應靈顯孚佑王額曰永寧元至正間顯蹟洪塘捍禦災患功尤烈焉俗呼白馬大王一在清河里堂後名為永寧廟宋嘉祐三年建

考宋史尹拙傳周世宗北征命學士為文祭白

連江縣志

卷之十二

祠廟

三五

馬祠不知所出遂訪於拙為舉郡國祀白馬者以十數當時服其該博是神之以白馬傳者天下亦多矣寧化志則云王審知狀貌雄偉常乘白馬軍中號白馬三郎寧所祀即此夫審知於閩非無所屬其得祀宜不可知第祀在民間率以其靈異為有資於福利而審知之能為靈所未聞焉且彼既王閩果有功當以國祀而僻壤窮鄉相率為斗酒隻雞之奉神其歆此耶疑以越王子為是

靈惠廟

廟在新安里荻蘆寨側神黃姓宋德祐時將英勇殊特與元兵鏖戰洪塘身首既分猶自持頭就頸口噴噴欲言遇老嫗忽出聲曰頭斷亦可續乎嫗曰不能遂僵而死初立廟永福辜嶺寨輒著神異因移而祀之建文三年賜額按

所傳事甚奇頗近志怪然古言斷頭不仆者常有其人至如景清懸皮猶能數步行作犯駕狀此尤國史近傳確而可信乃知烈丈夫之氣魄雄毅不與身俱死其振奇多如此殆不可以常理論也

下演廟

廟在永貴里東岱宋淳熙元年建神姓楊行八本縣二十六都松臯人爲巫師通秘法因旱禱雨於龍潭擲鐵針穿龍鼻龍遽起捲之入潭屍浮岱江演上日久如生乘潮上下人見其異立廟祀之災旱疾疫禱必愜衆心咸淳間勅賜九江州頭節度使

連江縣志

卷之十二

祠廟

三

五通行祠

祠在安義里丹陽宋紹興元年建神姓蕭兄弟五人按蘇州志云五顯者婺源土神也累封至王爵冠以顯字故曰五顯又唐王瑜夜夢紅光燭天五神自天而下以顯聰顯明顯正顯直顯德爲號連所祀未知孰從然婺源之神渺矣而神必以聰明正直爲德者也信能如瑜傳則人之祀之也固宜

靈順行祠

廟在上里梅山卽新宮地宋咸淳四年建中祀五顯左祀廣平王明嘉靖壬寅大水像皆沒獨一像漂流并香鑪掛官巷榕樹上衆望紅光滿樹因奉祀於西門之南

靈瑞廟

廟在安德里鑪峯之下唐景福王氏入閩淮民隨之始至有桴載香鑪及書硯漂泊泊岸側其人異之曰此吾州杜三郎故物也因爲立廟僞閩封高義侯改稽聖侯南唐升靈瑞侯硯長尺有咫今尚存

大小亭廟

連江縣志

卷之十二

祠廟

三

廟在二十七都江口神姓黃名助晉時人漢黃香後偕弟泛舟自海南歸至亭角沒於風濤兄弟二屍連臂浮江岸畫沙成字表其行實示夢鄉人曰爲吾南山立墳北山立廟當爲爾辟災降祥衆如其言自是鄉絕虎患建爲鹽亭大獲其利因號其兄廟爲大亭弟廟爲小亭後閩王封大亭孚濟將軍小亭昭遠將軍夫神之畫字示夢事不可深究而生則兄弟偕歸死則兄弟連臂孝友之至性至今得想見之微利於民亦足爲薄俗風矣不一鄉祀可也

靈應廟

廟在九龍山下神號九天元君唐季有香鑪飛空而下鄉人卽其地立廟以祀宋靖康初建寇葉儂犯境神化爲老嫗諭之曰官兵且集無輕進也賊遂遁去景泰四年賜今額

威奇廟

廟在治東王步下街明嘉靖三十年建相傳神姓王名長瑞淮中人漢景帝時赤林嶺賊楊暉變亂徵神督剿旬日暉授首敘功封將軍武帝朝封地主威奇王後四方雲擾數效陰功生民賴之今移祀仁壽街之西隅

連江縣志

卷之十二

祠廟

三

惠應廟

廟在二十九都神姓黃名季字世長閩人唐開成二年以祖蔭補遷閩中判官建隆間顯跡鱸山發靈磁窰江咸淳二年賜額

臨水行祠

祠在溫麻廟西晉太康三年建神姓陳諱進姑福州下渡人生唐大曆二年秉靈通幻嫁劉杞孕數月會大旱脫胎祈雨尋卒訣云吾死後不救世人產難非神也年僅二十有四自後飄翩數見古田臨水有白蛇洞吐氣成厲神乘

雲至揮劍斬之妖不復興建寧陳清叟子婦懷孕十七月
不產神見形治療因產蛇無數其婦獲安世之欲禁魅却
魅祝釐祈嗣者荅必如響宋淳熙間賜額順懿加封天仙
聖母青靈普化碧霞元君

靈源廟

廟在二十九都神姓阮名實女兄弟三人皆授要通玄號
感應三賢夫人有行祠在仁賢里山坪舊傳祠前有大蛇
里人罹其氣多病瘡立祠鎮之遂息

祠山行祠

連江縣志

卷之十二

祠廟

三

祠在玉泉山之麓宋嘉定三年建神姓張名渤吳興人或
曰武陵龍陽人生西漢末遊茗霄間卒而爲神顯於廣德
州橫山後改名祠山明高帝起兵卜得勝兆卽位加封聖
烈命有司歲時致祭連自四川茶監陳權叔奉神以歸始
有祠

